

UNIVERSITI MALAYSIA SARAWAK

Kenyataan media Press Release



17 Julai 2023
UNIMAS Corporate
Chancellory Division
Universiti Malaysia Sarawak
94300 Kota Samarahan
Tel +60 82 51216
Fax +60 82 665088

MAJLIS MENANDATANGANI MEMORANDUM PERSEFAHAMAN (MOU) ANTARA UNIVERSITI MALAYSIA SARAWAK (UNIMAS) DAN HORNBILL NETWORKS CONSORTIUM SDN. BHD (HNCSB)

UNIMAS, 17 Julai 2023 – Majlis Menandatangani Memorandum Persefahaman (MoU) antara UNIMAS dan Hornbill Networks Consortium Sdn. Bhd (HNCSB) yang telah diadakan pada hari ini merupakan usaha berterusan UNIMAS dalam memperkukuhkan kerjasama dan hubungan erat dengan pihak industri. Majlis telah dihadiri oleh Yang Berhormat Dr Hazland Abang Hipni; Timbalan Menteri Tenaga dan Kelestarian Alam Sekitar Sarawak, YBhg Profesor Datuk Dr Mohd Kadim Suaidi; Naib Canselor UNIMAS, Ybgh Datuk Haji Abdul Kadier Sahib; Penasihat HNCSB, Encik Hanizam bin Hashim; Pengarah Urusan HNCSB, Profesor Ir. Dr Siti Noor Linda Taib; Dekan Fakulti Kejuruteraan serta pegawai-pegawai pengurusan UNIMAS dan HNCSB.

Kerjasama strategik antara UNIMAS dan HNCSB ini akan mendorong lebih banyak pertukaran pengetahuan dan pengalaman antara kedua-dua pihak dalam mewujudkan persekitaran yang lebih kondusif melalui sistem sokongan yang komprehensif dan meningkatkan inovasi sambil meningkatkan inisiatif pembangunan teknologi, modal insan dan keusahawanan di kalangan pelajar dan penyelidik. Dengan termeterainya perjanjian persefahaman ini, UNIMAS, melalui Fakulti Kejuruteraan bakal menjalin kerjasama dengan HCNSB dalam beberapa program penyelidikan dan pembangunan teknologi di masa hadapan.

Kerjasama ini juga merupakan salah satu inisiatif UNIMAS untuk kecemerlangan pendidikannya dan peluang untuk mengoptimumkan sumber daya untuk menjadi lebih inovatif dalam menghadapi fasa pasca Covid-19. Kepentingan kerjasama antara akademik dan industri telah diterjemahkan dalam Pelan Strategik UNIMAS 2021-2025. Di bawah inisiatif strategik aktiviti penyelidikan yang bersandarkan kepada keperluan industri, UNIMAS menekankan pada peningkatan usaha untuk

mencapai inovasi yang sangat berpotensi melalui kolaborasi universiti dan industri dan program pemindahan pengetahuan. Jaringan industri yang kuat dan berterusan akan menguntungkan bukan sahaja universiti tetapi juga menyumbang kepada keseluruhan rantai nilai pendidikan dan inovasi, dari penyediaan dan penyampaian kurikulum, pembiayaan dan penempatan graduan serta penyelidikan, pengembangan dan pengkomersialan.

Kerjasama UNIMAS dan HNCSB berhasrat untuk menghasilkan inovasi yang dapat menyelesaikan isu-isu teknikal dan alam sekitar di dalam sektor bangunan dan perumahan. Gabungan kapasiti penyelidikan UNIMAS dan pandangan industri HNCSB boleh membawa kepada terhasilnya bahan, teknologi serta kaedah kerja yang lebih lestari dan praktikal di dalam projek-projek pembangunan perumahan di samping mencapai standard kualiti dan alam sekitar yang ditetapkan.

SUMBER: Universiti Malaysia Sarawak (UNIMAS) dan HNCSB

UNTUK MAKLUMAT LANJUT:

SILA HUBUNGI: Fakulti Kejuruteraan UNIMAS

U N I M A S